

Bosna i Hercegovina
Federacija Bosne i Hercegovine

Tuzlanski kanton
Općina Srebrenik



Bosnia and Herzegovina
Federation Bosnia and Herzegovina

Canton of Tuzla
Srebrenik Municipality

TELEFONI: Centrala : 035/369-159

TELEFAX: 035/369-163

Komisija za odlikovanja i općinska priznanja Općine Srebrenik, na osnovu člana 14. Odluke o priznanjima i stimulativnim mjerama Općine Srebrenik („Službeni glasnik Općine Srebrenik“, broj: 3/19), objavljuje:

JAVNI POZIV ZA PODNOŠENJE PRIJEDLOGA ZA DODJELU PRIZNANJA I STIMULATIVNIH MJERA OPĆINE SREBRENIK

I

Povodom 21. juna – Dana Općine Srebrenik 2019. godine objavljuje se Javni poziv za dodjelu priznanja i stimulativnih mjeru Općine Srebrenik, koje dodjeljuje Općinsko vijeće (Povelja Općine Srebrenik sa srebrenim grbom, Počasni građanin Općine Srebrenik i novčane nagrade) i Općinski načelnik (zahvalnice).

II

Priznanja i stimulativne mjeru mogu se dodjeljivati pojedincima, udruženjima, privrednim društvima - preduzećima, ustanovama, mjesnim zajednicama i drugim pravnim i fizičkim licima za postignute uspjehe u radu i djelovanju, kojima se značajno doprinosi razvoju Općine Srebrenik, kao cjeline ili pojedinih njenih dijelova, afirmaciji njenih interesa kao i odavanja počasti i zahvalnosti.

Priznanja se mogu dodjeljivati i stranim državljanima, inostranim i međunarodnim organima i organizacijama i slično.

III

Priznanja koja Općina dodjeljuje su:

1. Povelja Općine Srebrenik sa srebrenim grbom,
2. Počasni građanin Općine Srebrenik i
3. Zahvalnica Općine Srebrenik.

Stimulativne mjeru koje se dodjeljuju su:

1. Novčana nagrada Općine Srebrenik.

IV

Kriteriji za dodjelu priznanja i stimulativnih mjeru

Priznanje: "Povelja Općine Srebrenik sa srebrenim grbom", kao najviše općinsko priznanje, može se dodijeliti fizičkom i pravnom licu za naročite zasluge i postignute rezultate u razvoju Općine u oblasti:

- privredne djelatnosti,
- nauke, kulture, prosvjete i sporta,
- odbrane Općine i Bosne i Hercegovine,
- zdravstva i socijalne zaštite,
- lokalne samouprave,
- očuvanja i zaštite životne sredine,
- humanitarnog djelovanja i
- afirmacije i promocije Općine Srebrenik i Bosne i Hercegovine.

Priznanje: "Počasni građanin" može se dodijeliti građaninu - državljaninu Bosne i Hercegovine, koji nema prebivalište na području Općine Srebrenik, kao i građaninu - državljaninu druge države odnosno članu međunarodne organizacije:

- za značajan doprinos razvoju privrednog i društvenog života na području Općine Srebrenik i
- za značajan doprinos afirmaciji, ugledu i promociji Općine Srebrenik u Bosni i Hercegovini i svijetu, kao i Bosni i Hercegovine u cjelini.

Zahvalnica se može dodijeliti fizičkim i pravnim licima:

- za doprinos razvoju i promociji Općine u oblasti ekonomije, nauke, obrazovanja, kulture, fizičke kulture i sporta, zdravstva i socijalne zaštite i drugim oblastima od značaja za Općinu,
- za uspješno izvršene zadatke postavljene od strane Općinskog vijeća ili Općinskog načelnika i
- za objavljene ili općepoznate konkretnе uspjehe ili poduhvate značajane za Općinu.

Novčana nagrada se dodjeljuje fizičkim licima-pojedincima ili grupi za postignute rezultate u oblasti nauke, obrazovanja, kulture i sporta.

V

Prijedloge i inicijative za dodjelu općinskih priznanja i stimulativnih mjera mogu podnijeti: pojedinci (punoljetni građani), vijećnici Općinskog vijeća, klubovi vijećnika, Općinski načelnik i druga tijela općinske vlasti, pravne osobe (privredna društva, ustanove i sl.), tijela mjesne samouprave, vjerske zajednice, političke stranke, nevladine organizacije, udruženja i drugi subjekti pravnog sistema.

Prijedlozi za dodjelu priznanja i stimulativnih mjera moraju biti podneseni u pisanoj formi, detaljno obrazloženi, dokumentovani sa odgovarajućom, raspoloživom, dokumentacijom, sadržati naznačenje i opis djela, uspjeha i slično zbog kojeg se određeno lice – subjekt predlaže, biografske podatke o pojedincu – licu, odnosno o pravnom licu i njegovom poslovanju.

VI

U prijedlogu se navode: podaci o kandidatu (ime, prezime, zanimanje, prebivalište i sl.) i vrsta priznanja odnosno stimulativne mjere za koje se kandidat predlaže.

Pozivamo sve zainteresovane da svoje prijedloge podnesu **u periodu od 30.04.2019. godine do 20.05.2019. godine do 16 sati**, neposredno na protokol ili putem pošte na adresu:

Općina Srebrenik
Općinsko vijeće
Komisija za odlikovanja i općinska priznanja
Ul. Varoških polja b.b.
Srebrenik

Neblagovremeni i nepotpuni prijedlozi, kao i prijedlozi od neovlaštenih podnositelja, neće se uzeti u razmatranje.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENIK
-Općinsko vijeće-
Broj: 01-247/19
Srebrenik, 26.04.2019. godine



PREDSJEDNIK
KOMISIJE ZA ODLIKOVANJA
I OPĆINSKA PRIZNANJA
Fadil Smajić, s.r.